

問齋醫按診略



問齋醫按卷第三肺部

京口蔣寶素著長子小素校正

瓜洲李永福參訂

肺癰肺痿

經以肺為相傳之官實則為癰虛則為痿久咳痰帶花紅腥臭異常中府雲門穴痛肺癰已著始萌可治膿成則危

肥桔梗

苦杏仁

生甘艸

紫菀茸

大貝母

薏苡仁

合歡皮

陳芥汁

風伏肺經久咳痰腥帶血紅紫粉紅不一脉繫肺癰膿成
為難治

苦桔梗

苦杏仁

薏苡仁

炙甘艸

紫苑茸

赤茯苓

金銀花

大貝母

血餘灰

合歡皮

陳芥汁

勞力絡損瘀血傷肺生癰咳吐臭痰痰帶粉紅項背強氣
促脉滑數不能食堪慮

桑白皮

地骨皮

生甘艸

苦桔梗

苦杏仁

桃仁

血餘炭

陳芥汁

虛風久伏肺經常吐腥痰近乃帶血中府穴痛肺癰可據
醫話陳芥飲主之

薏苡仁

苦杏仁

瓜蒌仁

生甘艸

肥桔梗

大貝母

紫苑茸

夜合根皮

陳芥汁

十進醫話陳芥飲肺癰雖愈痰嗽未已中府猶疼素本陰
虧腎不涵肝土為木尅無以生金肺難復振再以醫話合
歡丸以善其後

合歡皮

人參

大生地

懷山藥

大麥冬

川貝母

川百合

炙甘草

肥桔梗

冬白朮

當歸身

白芍

水疊丸早服三錢開水下

金匱以肺脉數實為癰癰者壅也風熱濕痰壅塞肺中嘔

吐腥痰間有花紅膿血咳喘不得臥葶藶大棗瀉肺湯加

味挽之

甜葶藶

苦桔梗

苦杏仁

桑白皮

炙甘草

地骨皮

射干

大棗

陳芥汁

金匱以肺脉虛數為痿痿者萎也由於腎虛火燥金傷子盜母氣聲啞喉疼咳吐粉紅膿血見在午火司權恐嬌臟不宗炎蒸致生岐變

大生地

北沙參

川貝母

白知母

天門冬

大麥冬

紫苑茸

薏仁米

欬嗽痰帶粉紅肺損音聲不振病起客秋今春未已四肢

蒸熱口乾心悸脉來虛數金傷成痿

北沙參

生甘艸

苦桔梗

甜杏仁

炒牛子

紫苑茸

川貝母

蛤粉炒陳阿膠

病延半載咳嗽聲嘶痰帶粉紅涎沫上湧喉疼如裂內熱
如蒸腎水本虧肝火素旺六脉虛數少神肺痿危疴已著

大生地

北沙參

淡天冬

生甘艸

肥桔梗

大麥冬

白知母

炒牛子

川百合

紫苑茸

猪膚

咳喘吐痰腥臭胸滿喉乾脉軟數無力為肺痿

紫苑茸

白知母

大貝母

北沙參

五味子

生甘艸

苦桔梗 童便

經以肺為相傳之官治節出焉肺虛節制不行為風所襲

痰嗽日久釀成肺痿痰帶粉紅腥臭短氣似喘寒熱往來

上損已著多酌為要

大生地 人參 當歸身

銀柴胡 潞升麻 紫苑茸

川貝母 生甘艸 甜桔梗

薏苡仁 童子小便

久咳肺風未盡見在音啞喉疼咳吐涎沫中見粉紅之色

飲食減少脉象虛弦肺痿危疴已著慮難有效

漢防己

欵冬花

人參

天門冬

大麥冬

炙甘艸

苦桔梗

黃芩

童子小便

久咳痰帶粉紅雲門穴痛音啞喉乾脉來虛數肺痿已著

人參

大麥冬

五味子

白知母

黃芩

生甘艸

苦桔梗

人中白

淡竹瀝

王瓜子

問齋醫按卷第三肺部肺癰肺痿終

問齋醫按卷第三肺部

京日蔣寶素著長子小素校正

瓜洲李永福叅訂

痿躄

經以肺熱葉焦則生痿躄呂覽云臺高則多陽多陽則痿
又云戶樞不蠹流水不腐動也形氣亦然形不動則精不
流精不流則氣鬱鬱處足則為痿淮南子云木氣多偃用
此觀之痿躄乃水虧火盛木鬱脾傷所致瀉南補北主之

川黃連

黃芩

川黃柏

連翹

大生地

懷山藥

山萸肉

福澤瀉

赤茯苓

連進瀉南補北之劑兩足自可徐行飲食亦增形神亦振

軟數之脉亦緩都是佳徵蓋瀉南方火則肺金清而東方

不實何脾傷之有補北方水則心火降而西方不虛何肺

熱之有藥獲效機原方增損

大生地

懷山藥

雲茯苓

福澤瀉

懷牛膝

製豨莶

川黃柏

製蒼朮

黃芩

川黃連

痿症無寒皆緣肺熱肺熱由於胃火故治痿獨取陽明當以清胃爲主

大生地

白知母

川黃連

赤茯苓

福澤瀉

鮮石斛

大麥冬

黃芩

風痿非枯不生痛痺無寒不作寒侵於骨枯削於筋故也痿症有異右脚軟短時覺痠疼行步不正湯偏禹跳乃肺熱失其治節肺在卦爲乾其用在右天氣右降故患生於右亦由肝腎陰虧不能榮養筋骨陽明氣餒無以約束機關非風痿痛痺可比徒事追風散濕愈治愈窮愈驅愈遠

非徒無益而又害之培養腎肝暢和胃氣清肅令行何憂
不已

大生地 大麥冬 懷牛膝

白知母 生石膏 北沙參

生甘艸 鮮石斛

下痿固屬腎虛亦是陽明熱甚上蒸於肺故內經治痿獨
取陽明蓋以清胃爲主胃氣清和則金令下降如雨露之
溉草木森然何痿之有徒勞溫補無益

大生地 川黃連 鮮石斛

粉丹皮 大麥冬 白知母

飛滑石飛自生甘艸製大黃

憂勞傷肺損及三陰足脛無力步履欹斜脉來軟數而空
症類柔風脚氣經以肺熱葉焦則生痿躄足之三陰從足
走腹一陰主筋二陰主骨三陰主肌肉肺為相傳之官治
節出焉三陰虧則筋骨肌肉不能自收持肺熱則失其治
節竟成骨痿瀉南補北前哲良模獨取陽明內經奧旨醫
話伸躄飲加減主之

大生地黃四白知母懷牛膝

川黃柏請其滋冬白朮鮮石斛

宣木瓜

桑寄生

虎脛骨

川黃連

黃芩

元武板

痿躄有諸其症不離濕熱相火其治不越獨取陽明胃主
四肢土貫四旁胃氣清和則脾為之行其津液榮養四末
又何萎弱之有

川黃柏

製蒼朮

鮮石斛

白知母

大生地

赤茯苓

建澤瀉

猪苓

五加皮

川黃連

獨取陽明清和胃氣共服三十餘劑足雖能步掌雖能握
未能徐疾自如尚宜虎潛丸加減徐徐調治

川黃柏

白知母

大熟地

元武板

當歸身

大白芍

懷牛膝

虎脛骨

水蠶丸早晚各服三錢開水下

脈來弦數按之無力三陰本虧濕鬱不化腎氣不衡肝不

榮筋脾不化血足脛痠痛無力左腿形如鶴膝行步不正

坐臥不安飲食少進病延七年之久下痿已著慮難有效

大生地

粉丹皮

建澤瀉

懷山藥

山萸肉

雲茯苓

川黃柏

製蒼朮

六味二妙化陰中之濕熱胃氣漸開痠痛較減扶持自可
徐行心中不時嘈雜似覺空懸無倚食物下咽卽定小便
頻數病歷有年虧損已極煎劑不宜多服原方加減爲丸
緩緩圖痊可也

大熟地

懷山藥

山萸肉

粉丹皮

福澤瀉

雲茯苓

川黃柏

白知母

元武膠

虎骨膠

水齋丸早晚各服三錢滾鹽湯下

酒濕釀熱傷陰肝腎不足以束筋骨而利機關腰背脇助

相引而痛足脛膝臏麻痺不仁步履欹斜漸成下痿虎潛丸加減主之

大熟地

元武板

川黃柏

白知母

懷牛膝

虎脛骨

當歸身

大白芍

瑣陽

威靈仙

製豨薟

水疊丸早晚各服三錢淡鹽湯下

形瘦脉細先天薄弱濕熱不攘大筋軟短小筋弛長右腿形如鶴膝左足不能履地二氣不相流貫筋骨肌肉無以收持痿躄已著殊難奏效勉擬醫話起廢丸挽之

大生地 雲茯苓 建澤瀉

懷山藥 製蒼朮 川黃柏

製豨薟 當歸身 大白芍

懷牛膝 五加皮

水疊丸早晚各服三錢淡鹽湯下

問齋醫按卷第三肺部痿躄終

問齋醫校卷第三肺部

京口蔣寶素著長子小素校正

瓜洲李永福參訂

諸血

吐血有三傷胃肺疽內衄血如湧泉勢若釜沸盈椀盈盆
不竭不已危急之秋藥宜瞑眩勉擬理中合桃仁承氣從

傷胃論治

人參

冬白朮

炙甘草

炮姜炭

桃仁泥

油肉桂

生大黃

赤芍藥

童子小便

理中湯力挽隨血散亡之氣復聚桃仁承氣逐瘀瀉火帥
倒行之血歸經服後大便暢行起沫中有黑塊血止神清
安不忘危善後宜慎

大生地

粉丹皮

建澤瀉

懷山藥

赤茯苓

人參

大麥冬

五味子

咳血屬臟難出道遠由於腎虛水不濟火又不涵木木擊
金鳴火載血上已入虛勞之境

大熟地

粉丹皮

福澤瀉

懷山藥

雲茯苓

川貝母

當歸身

白芍藥

童子小便

咯血從喉無聲易出道近絡傷猶鼻衄之理卽肺管之衄

故有內衄之名火旺陰虧養陰清火爲主

靈犀角

大生地

粉丹皮

大白芍

當歸身

懷牛膝

藕節

童便

嘔血從咽有聲難出道遠由大怒肝傷木犯中胃血隨氣火上騰假胃道而出故有傷胃之名卽胃管之衄在內經謂之薄厥昔息夫躬蕭惠開等僕憤怒嘔血致敗不亦危

牙

大生地

當歸身

大白芍

懷牛膝

粉丹皮

大川黃連

犀角片

炙甘艸

製軍

龍胆草

黃芩

黑山梔

福澤瀉

童子小便

唾血屬腎虛胃熱舌下廉泉穴開唾與血併出非吐血可比乃傷胃熱症當從陽明有餘少陰不足論治

大生地

粉丹皮

建澤瀉

白知母

大麥冬

懷牛膝

滑石

茜草根

藕汁

鼻血為衄勢如湧泉乃胃火迫血倒行所致經以陽明之脉挾鼻是矣亦傷胃之屬也

大生地

大麥冬

懷牛膝

丹參

粉丹皮

滑石

黃芩

白知母

童便

齒衄乃手足陽明胃與大腸之火燥陰血熱妄行亦有傷胃之意以二經之脉循上下齒中故也

大生地

川黃連

大麥冬

生大黃

元明粉

犀角

粉丹皮

大白芍

童便

舌衄乃心火盛腎水虛法當壯水之主

大生地

粉丹皮

建澤瀉

赤茯苓

懷山藥

川黃柏

白知母

元武板

靈犀角

秋槐蕊

汗血曰衄汗為心液血從心生心火暴甚腎水虛衰大虧

之症

大生地

靈犀角

人參

龍骨

牡蠣

龜板

當歸身

生黃芪

冬白朮

郁李仁

黃芩

朱砂

人中白

藕汁

鷺血

便血雖有腸風臟毒血痔諸名然大腸本無血總由脾胃而來非脾虛失統卽火犯陽明陰絡內損不必拘便前便後遠血近血之說皆宜先服醫話玄珠散

川黃連

川黃柏

黃芩

山梔

地榆

乾姜

淥升麻

柿餅

右八味俱用酒炒黑加血餘炭百草霜陳金墨共十一味

等分爲末紅花蘇木煎湯調服三錢

思慮傷脾血失統攝流注腸中便血屢發

人參

棉黃芪

冬白朮

炙甘艸

雲茯苓

當歸身

酸棗仁

遠志肉

龍眼肉

便血有年諸藥不效近乃下如豚肝日以益甚乃結陰危
症三陰鬱結不行則無以和調於五臟灑陳於六腑但流
注大腸爲便血此命門眞火不足之所致也

大熟地

懷山藥

山萸肉

製附子

油肉桂

人參

當歸身

枸杞子

冬白朮

棉黃芪

潞升麻

酒濕傷脾脾不統血便血不已服歸脾解醒滲濕等劑實效豈藥中無向導之品治非同氣相求用酒煎藥宜有效

矣

人參

冬白朮

雲茯苓

炙甘艸

地榆

丹參

大白芍

福澤瀉

甘葛花

酒水各半煎溫服

經以胞移熱於膀胱則癰溺血痛與不痛有別不痛為溺

血痛則爲血淋先澀後血不痛有時瘀停溺管令不得澀
窮迫莫能名狀必得血塊如紅豆數枚先出則小便隨行
已而復作於茲五載當從熱入血室論治

大生地

木通

甘艸稍

懷牛膝

犀角片

粉丹皮

桂府滑石

虎珀

溺血乃心胞之熱移於膀胱宜地髓煎合犀角地黃湯

懷牛膝

鮮生地

犀角尖

大白芍

粉丹皮

肝爲藏血之臟脾爲統血之經血隨氣以流行氣亦賴血

依附氣血互相流貫榮養一身賴經絡以堤防隧道以流
注症緣怒動肝陽乘陰位血熱妄行渾如春水泛漲防
堤潰決湧吐如傾所服六味三才犀角地黄均皆不應蓋
草木功難與性情爭勝戒之在怒靜養爲宜

側柏葉

茶花

白茅根

枇杷葉

柿餅霜

陳京墨

血餘灰

生地汁

藕無汁

童子小便

腎虛水不濟火又不涵木火載血上木擊金鳴脉來弦數
少神不致氣喘喉疼爲妙法當壯水之主加以介潛之意

大熟地

懷山藥

青蒿梗

雲茯苓

粉丹皮

地骨皮

百部

酥炙龜板

醋炙鱉甲

天地無逆流之水從乎氣也人身無倒行之血由於火也然氣火有餘乃真陰不足苦寒雖效究非常服之方血雖陰類運之者其和陽乎

大熟地

當歸身

大白芍

丹參

三七

茜草根

桃仁

藕汁

童便

逆流之水從乎氣倒行之血由於火不可見血投涼當以

甘溫壯水之主

大生地

粉丹皮

福澤瀉

懷山藥

雲茯苓

山萸肉

當歸身

大白芍

丹參

藕節

童便

甘溫壯水之主已獲效機再以十劑為末水疊丸早晚各服三錢滾水下

暮春風溫上受發熱三日吐血鮮紅四月中旬血又湧來至今不斷胸脇相引而痛顯是肝胃不和胃為多血之腑肝為藏血之臟肝陰少藏胃血上湧脉來洪豁少神當從

傷胃論治

川黃連

人參

冬白朮

炮姜炭

炙甘艸

黑山梔

藕汁

童子小便

連進連理湯加味吐血竟止胸脇之痛亦平洪豁之脉亦
歛肝胃和順有機但先後二天不振尚宜固腎扶脾為主
杜其反復之患

大熟地

懷山藥

山萸肉

人參

雲茯苓

冬白朮

炙甘草

當歸身

陳橘皮

酸棗仁

五味子

棉黃芪

水疊丸早晚各服三錢滾水下

經以中焦取汁變化而赤是謂血積勞積損中氣大傷所吐黑瘀卽經中敗血繼吐白涎卽未變之血也靈樞經謂白血出者危勉擬理中湯從傷胃論治

人參

冬白朮

炙甘艸

炮姜炭

童子小便

血吐如傾氣隨血脫危急之秋當先其急固氣爲主有形之血不能卽生無形之氣所當急固使氣不盡脫則血可漸生血脫益氣古之成法十全湯加減主之

大熟地

當歸身

大白芍

人參

雲茯苓

冬白朮

炙甘艸

棉黃芪

五味子

陳阿膠

血逆上焦已吐紫黑胸中板滯仍有蓄瘀尚宜行散

大生地

當歸身

大白芍

川芎藭

黃鬱金

製香附

三七

茜草根

紅花

蘇方木

藕汁

童子小便

傷風咳嗽見血必是腎虛盜氣於金精損移枯於肺痰多

食少盜汗耳鳴脉數速遠房幃獨居靜養庶可保全

大熟地

懷山藥

山萸肉

北沙參

大麥冬

五味子

紫苑茸

川貝母

蛤粉炒阿膠

炙甘艸

苦桔梗

失血之脉緩靜為順洪大為逆半產後二氣紊亂血隨氣上咳血甚湧食少痰多脉洪長且大且數即肺疽之類慮

難收效

大生地

羚羊角

金銀花

北沙參

大麥冬

紫苑茸

蛤粉炒阿膠

當歸身

川貝母

苦桔梗

炙甘艸

童子小便

血吐盈杯間斷而發鮮痰不一試水而浮從肺胃而來可據延今半年之久服降氣不降火行血不止血補肝不伐肝等法無效乃肺疽之屬藥亦難恃宜停煎劑從褚侍中服溲溺加諸汁靜守爲妙

童子小便

白茅根汁

陳京墨汁

藕汁

生地露

荷葉露

側柏葉露

先天不足知識早開水不養肝肝燥易怒怒則氣上甚則

嘔血鮮瘀不一形神不振木擊金鳴爲咳腎水上泛爲痰
始則痰少血多近乃痰多血少陰虧水不制火中傷氣不
攝血壯水滋肝兼和肺胃

大生地

粉丹皮

福澤瀉

懷山藥

雲茯苓

北沙參

川百合

紫苑茸

藕節

氣有餘便是火火載血上屢發甚湧木叩金鳴爲咳津液
凝結爲痰營衛乖分往來寒熱六脉細數無神二陽之病
發心脾已著有風消息臍之變

大生地

北沙參

大麥冬

當歸身

大白芍

田三七

粉丹皮

黑山梔

童子小便

血漬喉間咯出甚易屢發不瘳鮮瘀不一素有肝積肥氣
肝為藏血之臟賴腎水以滋榮腎水不足以榮肝木馴致
血失潛藏少陰循喉以是血從喉上脉見芤象殊屬不宜

大熟地

懷山藥

山萸肉

粉丹皮

雲茯苓

建澤瀉

當歸身

大白芍

元武板

生牡蠣

九肋鱉甲

五志七情化火臟陰營液潛消三春咯血試水而浮肺血

可據調治難痊入夏反咳經秋舉發狂吐盈碗入水而沉
屬腎肌肉漸消飲食日減脉來數疾自服犀角地黄湯加
味血雖止其咳更甚肺腎交損上損從陽下損從陰過中
難治勉擬歸脾六君加減以副遠來就診之意

東洋參 兩 立血 雲茯苓 廿 地黃 冬白朮

炙甘艸 甲

當歸身

酸棗仁

遠志肉 炒

陳橘皮

製半夏

川百合 炒

龍眼肉

失血後咳不止痰不謬夜甚於晝飲食少進虛火時升腎
水不足以涵肝濟火金爲火燥又爲木擊虛勞漸著有氣

喘喉疼之變法當甘溫壯水之主輔以介屬潛陽之品以資金水二藏之源冀其腎升肺降為妙

九製熟地

懷山藥

白茯苓

酥炙龜板

粉丹皮

大麥冬

醋炙鱉甲

百部

天門冬

氣火不兩立血熱則妄行吐血屢發愈發愈近服養陰壯水等劑不應當以介屬潛陽為主醫話介潛湯加減為宜

酥炙龜板

醋炙鱉甲

蛤粉炒阿膠

生牡蠣

石決明

血餘炭

田三七

雞血藤膏

童子小便

陳京墨

藕汁

肺無因不咳絡不傷血不出曾經風熱傷肺繼以煩勞傷
心思慮傷脾抑鬱傷肝五志火迫血妄行出諸口鼻勢如
湧泉入水不浮不沉顯是從肝脾而來假肺胃之道而出
所幸脉無芤象不必見血投涼蓋血爲陰類融運必借陽
和之氣

大熟地

人參

當歸身

冬白朮

雲茯苓

炙甘艸

茜草根

血餘炭

童子小便

脉體六陽先天本厚神思過用陰液潛消無以涵木濟火

木擊金鳴火載血上陰不斂陽則不寐虛里穴動爲怔忡
病歷有年難期速效

大生地

北沙參

雲茯苓

當歸身

酸棗仁

柏子仁

白芍藥

大麥冬

天門冬

五味子

枇杷葉

去夏失血肺腎兩傷陰絡內損雲門碎痛陽躄脉盛竟夕
無眠脉象虛弦殊難奏效壯水之主以鎮陽光是其大法
仍請原手調治何用多岐見在火令司權遠來就診非其
所宜

大生地

懷山藥

陳阿膠

白知母

大麥冬

當歸身

北沙參

五味子

白芍藥

淨銀花

新荷蒂

先是腹中臌脹卒然吐血盈椀血去脹消精神飲食俱減
由思慮傷脾鬱怒傷肝肝不潛藏脾失統攝血無依附以
故先脹後吐宜養肝脾之氣噓血歸原為主

東洋參

雲茯苓

冬白朮

炙甘艸

陳橘皮

當歸身

酸棗仁

大白芍

黃鬱金

腎不涵肝血失潛藏水不濟火火載血上肺熱不能下蔭
於腎腎虛子盜肺母之氣上下交損過中不治相火內寄
於肝君火動相火隨之心有所思意有所注夢洩之病見
矣有情之血受傷培以無情草木聲勢必難相應宜速屏
除塵絆一切皆空方克有濟

大生地

粉丹皮

建澤瀉

懷山藥

雲茯苓

當歸身

大白芍

煨牡蠣

蛤粉炒阿膠

黃鬱金

血餘炭

藕節

思爲脾志心主藏神神思過用病所由生心爲君主之官

脾司諫議之職二經受病五內乖分腎虛水不涵木又不
濟火火載血上土爲木尅飲食減少肝血少藏忽忽善怒
心腎不交心煩慮亂夜或不寐失位之血遠來則紫後吐
色紅近血又漸淡與痰合而爲一者血迫近而未及化也
痰血本爲同類臟氣盛則痰卽化血臟氣衰則血卽化痰
如亂世盜賊卽治世良民舌上白苔丹田有熱非積食可
比足得血而能步血少故難行榮弱心虛則口難言牛屬
坤土主治中央最宜服食土不制水水溢高原涎吐不禁
清氣在下則生飡泄病勢彌留脉來細澁殊屬可慮昔黃
帝問於岐伯曰形弊血盡而功不立者神不使也精神不

進志意不治精壞神去榮衛不可復收何者嗜欲無窮而
憂患不止誠能內無眷慕之累外無紳宦之形以恬愉爲
務以自得爲功從欲快志於虛無之守何恙不已

大熟地

人參

雲茯苓

冬白朮

當歸身

棉州黃芪

酸棗仁

遠志肉

柏子仁

白芍藥

血富於衝所在皆是賴絡脉以通調絡傷血隨咳上鮮瘀
不一其來甚湧六脉弦數少神素昔性情多怒胸次窒塞
尚有停瘀未宜驟補王肯堂治血症必先蕩滌然後培補

今宗其法

當歸尾

桃仁泥

赤芍藥

田三七

黑山梔

茜草根

製軍

油足肉桂

撫糖炒山查

懷牛膝

藕節

童子小便

脉來滑數少神水弱肝虛三陰不足兼有濕熱液化為痰

痰也血也液也三者同歸一體腎司五液入脾為涎自入

為唾涎唾不禁痰間血點從上齧而來如銅壺滴漏乃心

脾之火挾濕熱上蒸巔頂髓海之氣不能調攝六味三才

加減主之

大生地

粉丹皮

建澤瀉

懷山藥

雲茯苓

淡天冬

北沙參

生甘艸

辛夷

細滑石

薄荷

活水蘆根

咯血甚湧心嘈舌赤脉數兼弦操勞體質心脾之火不靜
肝腎之陰有虧陰絡不固血熱妄行宜補肝腎之陰以制
心脾之火降氣清火以導氣火下行水升火降血自歸經

大生地

粉丹皮

建澤瀉

元參

大麥冬

白知母

赤茯苓

胡黃連

赤芍藥

田三七

製大黃

身懷六甲火犯陽經迫血倒行為衄

大生地

黃芩

川黃柏

白知母

大麥冬

生甘艸

龜板

白茅根

藕節

陰虛火動齒衄甚湧消渴引飲便結澉頻當從陽明有餘

少陰不足論治

大生地

大麥冬

懷牛膝

白知母

生石膏

炙甘艸

秋梨汁

藕汁

氣主煦之血主濡之氣之與血譬如流水賴經絡脉道以流注皮骨筋肉如堤防環周不休而無泛溢陰虧火盛血熱妄行如決江河莫之能禦狂吐盈盈口鼻併出脉見芤象大非所宜勉擬一方多酌明哲

大丹參四兩用童子小便一升煎分二次温服

五志不伸皆從火化壯火食氣氣不攝血血不化精爲濕熱所乘致有溺血之患屢發不已曾服導赤四苓而愈後又不應見服知柏地黃壯腎水化陰中之濕理路甚好無效者情志鬱結也然情志中病雖有五臟之分總不外乎心腎再以地黃湯合補心丹加減兼治

大生地

粉丹皮

建澤瀉

懷山藥

雲茯苓

東洋參

五味子

元參

丹參

天門冬

大麥冬

酸棗仁

遠志肉

柏子仁

思慮傷脾脾失統攝抑鬱傷肝肝不潛藏流注腸中為便
血不必拘前後遠近之說調治肝脾為主

銀柴胡

當歸身

冬白朮

大白芍

炙甘艸

白茯苓

東洋參

酸棗仁

遠志肉

棉州黃芪

廣木香

龍眼肉

便血如痢濕熱化火燥陰

赤石脂

禹餘糧

金銀花

當歸身

赤芍藥

大貝母

連翹

元參

夏枯草

廣木香

川黃連

失血後停瘀未盡與濕痰互結於中釀成醒臭之氣從咽
喉而來並無咳嗽非肺癰可比法當和脾胃以潛消資化
源而融化

東洋參

棉州黃芪

冬白朮

炙甘草 製半夏 陳橘皮

酸棗仁 遠志肉 當歸身

白茯苓 廣木香 龍眼肉

生薑 大棗

氣火不兩立血熱則妄行出絡之血宜清新生之血宜固
爰以補陰益氣帥血歸經參入苦堅之品

大熟地 人參 炙甘草

懷山藥 當歸身 陳橘皮

澤升麻 銀柴胡 川黃連

川黃柏 烏梅肉

澁血源源而來自覺心下如銅壺滴漏在內經名心下崩
猶坤道血崩之理良由心火盛腎水虛肝不藏脾失統脈
來弦數而空年逾七旬能無汗眩之慮

大生地

人參

犀角片

粉丹皮

大白芍

大麥冬

元參

丹參

天門冬

白茯苓

酸棗仁

柏子仁

海螵蛸

五味子

虎珀粉

便血年餘逾發逾多諸藥不效乃內經結陰危症經以結
陰者便血一升再結二升三結三升言其約數一結一升

共三升蓋一陰主肝二陰主腎三陰主脾三經真陰自結
無以調和於他臟灑陳於六腑惟流注於大腸此命門真
火虛衰所致速宜益火之本以消陰霾

大熟地

懷山藥

山萸肉

製附子

油多肉桂

枸杞子

鹿角膠

人參

當歸身

補骨脂

紫衣胡桃肉

人皮應天無所不包破則血溢內膜亦復宜然血症名目
太多徒資惑亂當以內衄外衄爲例如吐咯嘔唾嗽咳澁
便淋痔薄厥等血爲內衄齒鼻目耳舌汗等血爲外衄五

臟穴俞衄爲重六腑俞穴衄爲輕咳血雖少難治屬肺臟
嘔血雖多易已屬胃腑舉一可知十內衄逆於肉理則生
癰疽故血症死生輕重與癰疽部位同見在左頰黑痣忽
破血如箭發前陰根與腎囊連處亦破血如泉湧或名血
箭衄出於六腑無慮醫話念一散主之

廣西思州田三七水磨如粉晒乾備用並能統治內外諸

衄內外敷醋調服酒下諒人老少強弱病之輕重新舊一錢至三五

錢不等

倒行之血爲逆咯血從咽屬胃勢如湧泉血如釜沸陽明
熱極亡陰脉大尤爲棘手危急之秋藥宜瞑眩宗肯堂法

導血下行轉逆為順應手乃吉

大生地

桃仁泥

醋炒生大黃

粉丹皮

黑山梔

赤芍藥

當歸身

鮮藕汁

咳血出於肺嘔血出於胃咳嘔交加肺胃並損脉見乳象

尤非所宜

犀角片

鮮生地

大白芍

粉丹皮

黑山梔

桃仁泥

當歸身

側柏葉

先吐後咳為陰虛先咳後吐為痰熱咳吐相仍無分先後

痰血交併其來甚湧所幸脉無乳象三才四物加減主之

桂水炒生地 竹瀝炒人參 荷汁炒天冬

姜汁炒黃連 柏汁炒當歸 韭汁炒白芍

童便炒山梔 酒炒黃鬱金 蜜炙枇杷葉

飲食男女人之大欲存焉太過則真陰不固真陽失守無
根之火逼血上湧狂吐如傾面色戴陽氣促非喘四末微
冷小便澄清脉來細澁如絲陰盛格陽已著速宜引火歸
原否則有汗眩之變

大熟地 懷山藥 山萸肉

建澤瀉 雲茯苓 粉丹皮

油多肉桂

製附子

衄如泉湧口鼻皆出竟日不止諸藥不應雖有倒經之說傷於衝脉則一宜先用草紙十層冷水浸透貼在頂心熨斗熨紙上頂心覺熱去熨斗其衄即止後服藥

川貝母

桑白皮

地骨皮

大麥冬

五味子

空沙參

薏苡仁

川百合

枇杷葉

肝鬱氣火上騰嘔血甚湧鮮痰不一胸滿脇痛內熱心煩脉數乃薄厥危疴不至汗喘爲順

大生地

粉丹皮

建澤瀉

大白芍

黃芩

黑山梔

川黃連

大貝母

陳橘皮

枳殼

小青皮

吐血忌參乃火旺燦金之症肺熱還傷肺故也見在所吐之血色暗食少無味面色不華形神不振脉來細數少神症因憂思抑鬱而起顯是中氣有虧不能收攝宜歸脾湯

人參

棉州黃芪

冬白朮

炙甘艸

當歸身

酸棗仁

雲茯苓

遠志肉

廣木香

龍眼肉

溽暑流行心火素旺二火相濟咯血不止氣高而喘脉虛
身熱熱極亡陰之象慮難收效不可拘服寒涼百無一生
之說勉擬一方質諸明哲

人參

大麥冬

五味子

生石膏

白知母

炙甘艸

犀角片

鮮生地

赤芍

粉丹皮

青竹葉

童子小便

乾咳無痰有血臟陰營液就枯肺腎乾槁危疴擬方多酌

明哲

大生地

天門冬

大麥冬

川貝母

川百合

柏子仁

茜草根

當歸身

問齋醫校卷第三肺部諸血終

問齋醫按卷第三肺部

京口蔣寶素著長子小素校正

瓜洲李永福叅訂

者竅

風熱肝火交併於上目赤生翳努肉拳睛不宜過散

龍胆草

黃芩

黑山梔

白通草

車前子

柴胡根

建澤瀉

白菊花

羚羊片

製大黃

內障乃濕熱肝火薰蒸腦液下溜貫入瞳人之中色白與外翳一體視物如隔烟霧久則失明雖有銀風仰月偃月諸名總是鬱損太和清純之氣法當通利不宜溫補

大生地

白蒺藜

石決明

青箱子

白菊花

細滑石

生甘艸

羚羊角

龍胆草

靈犀角

製大黃

尊年目疾瞳子無恙視物不明宜常服醫話桑蔴杞菊丸

霜桑葉

黑脂蔴

枸杞子

白菊花

水齋丸早晚各服三錢淡鹽湯下

經以心開竅於耳腎之所司也腎主水水沸則鳴或如風潮或如蟬蚓宜瀉陰中伏火

川黃柏

白知母

元武板

大生地

元參

大麥冬

黑山梔

靈犀角

牡丹皮

經以胆移熱於腦則為鼻淵由於甲木之火與濕熱上蒸
顛頂腦滲為涕溶溢而下天羅散加味主之

絲瓜藤

蒼耳子

辛夷

生甘艸

細滑石

紫胡根

黃芩

蒲荷

咽喉乃肺胃之道路天氣通於肺地氣通於咽喉主肺候氣也咽主胃咽物也思慮煩勞火起心脾火炎水耗肺胃乾槁致有咽喉凝碍之患飲食能進非三陽內結可比亦非四七湯形症宜壯水之主

大生地

粉丹皮

福澤瀉

懷山藥

雲茯苓

礪砂

甜桔梗

生甘艸

猪膚

陰虧喉痛本屬不治多服猪膚甘桔湯或可圖功

猪膚

炙甘艸

桔梗

風寒外來怒火上炎喉起雙蛾法當雙解

荆芥

青防風

生甘艸

苦桔梗

猪牙皂角

礪砂

元明粉

生大黃

川黃麻

厥少陰虧帶脉不固咽嗑常疼帶下如注顏色憔悴形容
枯槁甚至心煩慮亂不知所從脉來弦細少神症延七年
之久宜乎澄心息慮恬淡無為徒資藥力未易及也

大熟地

人參

椿根白皮

生甘艸

甜桔梗

濟水阿膠

當歸身

酸棗仁

柏子仁

熱在上焦則爲口糜

黑山梔

薄荷

黃芩

連翹

元參

大麥冬

生甘艸

川黃柏

川黃連

甜桔梗

舌光如鏡症屬陰虧

大熟地

元武板

川黃柏

白知母

牡丹皮

大白芍

靈犀角

燈心草

肥熱則口苦從足少陽經論治

柴胡根

黃芩

炙甘州

川黃連

龍胆草

瓜蘖皮

淡竹茹

脾熱則口甘治之以藜

佩蘭葉

甘爛水煎

肝熱則口酸從足厥陰論治

龍胆草

銀柴胡

川黃連

黃芩

萊菔子

淡吳茱

製半夏

陳橘皮

生薑

曲直作酸酸乃肝木之味由於土為木尅建運失常糟粕

壅遏酸餒非寒非熱宜先理氣

廣藿香

廣木香

雞心栝榔

川厚朴

炙甘艸

冬白朮

陳橘皮

枳實

生薑

口糜日久不已屢服苦寒無效法當同氣相求衰之以屬

製附子

炮姜炭

炙甘艸

人參

冬白朮

痰為百病之母奇疾皆屬於痰痰之為患變幻不一七竅

俱動腹中氣嚮如鷄鳴至於或為之症不能枚舉良由種

痘先天胎毒未清蘊釀生痰與知識早開五體有不滿之

處異日有難狀之疾交併宜醫話壽星煎

大熟地

紫河車

白檀香

陳胆星

製半夏

煎送醫話五行丹一粒五行丹見伏邪門

經以南方赤色入通於心開竅於耳外候於舌心火暴甚
舌為之糜不必治心當專補腎

大生地

粉丹皮

廷澤瀉

雲茯苓

懷山藥

川黃柏

白知母

元武板

龍雷之火與肝木之風交併於上風雷搏擊有聲不平則

鳴耳內常如奏樂於茲七載謹擬六味慈朱主治

大生地

粉丹皮

建澤瀉

懷山藥

雲茯苓

山萸肉

朱砂

磁石

吟誦勞心心火燥金金熱不鳴聲啞語言難竟治宜壯水清金行其清肅之令

大生地

北沙參

天門冬

大麥冬

元參

白知母

川百合

黃芩

五味子

薄荷

訶子

鷄子清

五藏六府之精氣皆上注於目白珠屬肺黑珠屬肝瞳人屬腎目裏屬脾目系屬心右目已損左目赤縷參差玄花亂墜視物如有雲烟服藥多方寡效總屬根蒂有虧五志之火更傷五藏所從來遠矣伐下者必枯其上滋苗者必灌其根六味靈犀雖好莫若寡慾清心爲妙

大生地

懷山藥

羚羊片

犀角片

大麥冬

五味子

白菊花

枸杞子

大塊透明朱砂

攝鐵活慈石

雅州黃連

水疊丸早服三錢

問齋醫按卷第三肺部諸竅終



問齋醫按卷第四腎部目錄 共七門

傷寒第一

伏邪第二


癆瘵第三

便結第四

癰祕第五

遺精第六

淋濁第七



問齋醫板卷第四腎部目錄終

問齋醫按卷第四腎部 共七門

京口蔣寶素著長子小素校正

瓜洲李永福叅訂

傷寒

寒得水而冰無冰不病寒故傷寒先傷膀胱寒水之經足
太陽經脉所過之處皆病是以頭身俱痛項背腰脊俱強
寒熱無汗脉浮緊宜醫話雲蒸飲

麻黃

製附子

北細辛

桂枝

製蒼朮

炙甘艸

川芎

當歸身

白芷

生薑

葱白

無熱惡寒發於陰非無熱也謂身無熱時先惡寒然後發熱乃寒傷營血頭身俱痛無汗脉緊舌苔未起澀色澄清宜醫話麻黃四物湯

麻黃

桂枝

炙甘艸

苦杏仁

大生地

當歸身

赤芍藥

川芎

生薑

葱白

身熱脉沉頭不痛澀清乃少陰表症也宜仲景麻黃附子

細辛湯加味主之

麻黃

製附子

北細辛

雲茯苓

大白芍

炙甘艸

冬白朮

生薑

脈雙弦苔白滑寒已而熱熱已而寒晝夜如是邪踞少陽之樞二陽三陰之間變生難測小柴胡加減主之

柴胡根

黃芩

當歸身

炙甘艸

製半夏

新會皮

赤芍

赤茯苓

生薑

大棗

經水適來熱入血室寒熱如瘧暮則詘語血室即衝脉乃
奇經八脉之一不拘十二經中如天雨下降溝渠不能約
束故仲景無方可擬但云無犯胃氣及上二焦醫話靈犀
飲近是

靈犀角

大生地

當歸身

白芍

川芎

青蒿梗

九肋鱉甲

撫糖炒山查肉

童子小便

脉浮頭痛身疼寒熱無汗見在孟冬時令乃正傷寒危症
宜醫話麻黃四物湯加減主之

麻黃

桂枝

炙甘艸

苦杏仁

當歸身

川芎

白芷

蒼朮

生姜

昨服麻黃四物加減開太陽之表得汗寒熱未解夜反不寐乃太陽傳陽明症也柴葛解肌湯加減主之

柴胡根

甘葛

黃芩

赤茯苓

炙甘艸

製半夏

陳橘皮

當歸身

川芎

生薑

脈浮緩汗自出身熱惡風不欲去衣風送寒來寒隨風入

風寒兩傷營衛俱病桂枝湯加味主之

桂枝

炙甘草

赤芍藥

赤茯苓

製半夏

陳橘皮

當歸身

川芎藭

生姜

大棗

自利小便色白少陰病形悉具極寒反汗出身冷如冰加以痛嘔不止六脉皆伏乃陽氣閉塞陰霾四翳交通不表寒中少陰危症勉擬通脉四逆加減力挽垂絕之陽未識陽能回否

製附子

炮姜

炙甘草

白通草

當歸身

淡吳萸

肉桂

童子小便

猪胆汁

昨進通脉四逆六脉微續便是生機腹內時疼嘔吐間作
真陽無剝盡之理剝極則復見在純陰之月尚有復剝之
慮無陽則陰無以生無陰則陽無以化再擬從陰引陽從
陽引陰醫話變理湯為宜

人參

冬白朮

炙甘艸

製附子

桂枝

炮姜

當歸身

大生地

寒傷營血血溢無汗頭痛身疼腰脊強脉浮緊宜發汗

羌活 防風 北細辛

製蒼朮 川芎 白芷

炙甘艸 生薑 葱白

昨藥後得汗未透諸症未減解肌兼汗議取青龍

麻黃 桂枝 炙甘艸

杏仁泥 煨石膏 赤芍藥

北細辛 炮姜 製半夏

甘葛 柴胡根

問齋醫按卷第四腎部傷寒終